

# সাহিত্যকর্ম

মূল নিবন্ধ: [নজরুল রচনা তালিকা](#)

## কবিতা

মূল নিবন্ধ: [নজরুলের কবিতা](#)

১৯২১ সালের ডিসেম্বর মাসে [কুমিল্লা](#) থেকে [কলকাতা](#) ফেরার পথে নজরুল দুটি বৈপ্লবিক সাহিত্যকর্মের জন্ম দেন। এই দুটি হচ্ছে [বিদ্রোহী](#) কবিতা ও [ভাঙ্গার গান](#) সঙ্গীত। এগুলো বাংলা কবিতা ও গানের ধারাকে সম্পূর্ণ বদলে দিয়েছিল। বিদ্রোহী কবিতার জন্য নজরুল সবচেয়ে বেশি জনপ্রিয়তা অর্জন করেন। একই সময় রচিত আরেকটি বিখ্যাত কবিতা হচ্ছে [কামাল পাশা](#)। এতে ভারতীয় মুসলিমদের [খিলাফত আন্দোলনের](#) অসারতা সম্বন্ধে নজরুলে দৃষ্টিভঙ্গি এবং সমকালীন আন্তর্জাতিক ইতিহাস-চেতনার পরিচয় পাওয়া যায়। ১৯২২ সালে তাঁর বিখ্যাত কবিতা-সংকলন [অগ্নিবীণা](#) প্রকাশিত হয়। এই কাব্যগ্রন্থ বাংলা কবিতায় একটি নতুনত্ব সৃষ্টিতে সমর্থ হয়, এর মাধ্যমেই বাংলা কাব্যের জগতে পালাবদল ঘটে। প্রকাশের সঙ্গে সঙ্গে এর প্রথম সংস্করণ শেষ হয়ে গিয়েছিল। পরপর এর কয়েকটি নতুন সংস্করণ প্রকাশিত হয়। এই কাব্যগ্রন্থের সবচেয়ে সাড়া জাগানো কবিতাগুলোর মধ্যে রয়েছে: "প্রলয়োন্মাস, আগমনী, খেয়াপারের তরঙ্গী, শাত-ইল-আরব, [বিদ্রোহী](#), [কামাল পাশা](#)" ইত্যাদি। এগুলো বাংলা কবিতার মোড় ঘুরিয়ে দিয়েছিল। তাঁর শিশুতোষ কবিতা বাংলা কবিতায় এনেছে নান্দনিকতা [খুকী ও কাঠবিড়ালি](#), লিচু-চোর, খাঁদু-দাদু ইত্যাদি তারই প্রমাণ। কবি তার [মানুষ](#) কবিতায় বলেছিলেন:

পূজিছে গ্রন্থ ভণ্ডের দল মূর্খরা সব শোন/ মানুষ এনেছে গ্রন্থ, গ্রন্থ আনেনি মানুষ কোন

তিনি কালী দেবিকে নিয়ে অনেক শ্যামা সঙ্গিত রচনা করেন, ইসলামী গজলও রচনা করেন।

## সঙ্গীত

মূল নিবন্ধ: [নজরুলগীতি](#)

নজরুলের গানের সংখ্যা চার হাজারের অধিক। নজরুলের গান নজরুল সঙ্গীত নামে পরিচিত।

## গদ্য রচনা, গল্প ও উপন্যাস

নজরুলের প্রথম গদ্য রচনা ছিল "বাউগুলের আত্মকাহিনী"। ১৯১৯ সালের মে মাসে এটি [সুওগাত](#) পত্রিকায় প্রকাশিত হয়। সৈনিক থাকা অবস্থায় করাচি সেনানিবাসে বসে এটি রচনা করেছিলেন। এখান থেকেই মূলত তাঁর সাহিত্যিক জীবনের সূত্রপাত ঘটেছিল। এখানে বসেই বেশ কয়েকটি গল্প লিখেছেন। এর মধ্যে রয়েছে: "হেনা, ব্যথার দান, মেহের নেগার, ঘুমের ঘোরে"। ১৯২২ সালে [নজরুলের একটি গল্প সংকলন](#) প্রকাশিত হয় যার নাম [ব্যথার দান](#)। এছাড়া একই বছর প্রবন্ধ সংকলন যুগবাণী প্রকাশিত হয়।